

Pa . sur .

Binod ar Binoe do mit' atoren cetan t.ola ar latar t.ola ren kanakin. Unkin mit' atoren kan re ho~kin et.ak' ko leka dula.r. epemok' reak' ja~ha~n somoe ar a.t ko do ban' mila.u akawat'kina. Tobe unkinak' ja~ha~ tinre ge n'apamok' tege kha.ndri dula.r. reak' kin kurumut.uyet' tahe~kana. Lukkibar khon mit'din laharege Binod do or.ak'teye set.erenana. Enhilok' ge uni do Baha tuluc' n'apamok' reak'e kurumut.u keda. Menkhan hara jua.n akan kur.i Baha ma.~i do ja~ha~tin rege sana leka or.ak' khon bae od.ok' dar.eak'a. Binod do Baha takoak' or.ak' sec' calao calao kate cet'ko hudis bar.a kate con' ar ho~ tala kulhi khon geye rua.r.ena. Gapa a.yup' sec' sunum sasan' ojok' okte Baha tuluc' n'apamok' reak'e got.a keda.

Lukhibar a.yup' bela khangge ona ra.si atoren kur.i kor.a ar bahre atoren aema per.a kote bapla or.ak' do bhan bhanaok' ehop'ena. Bela tahe~nrege Binod do mit' dhao bapla or.ak' sec' khone a.cur hec'ente aema gate ko sa~oteye n'apam hec'ena. Binod ho~ ba.ria.tok'e calak'a an'jom kate gateko do a.d.i ra.ska. ko sodor keda. Menkhan Binodak' monge a.d.i t.hik do ba.nuk'taea. Ente uniak' me~t' do jaoge Baha geye sendra bar.ayede tahe~kana. N'uhum tora khonge tundak' t.amak' ak' litur ar.an' ar kur.i kor.awak' n'ohor seren' te atoren kur.i kor.a ko do hoe bhard.o leka joto ko ghurla.u hec'ena bapla or.ak' sec' Binod ho~ usa.rage Baha sa~ote n'apamok' as te bapla or.ak' sec' gate Binoe son'ge katec'e mohnd.ayena. Sunum sasan' ojok' enege ehop' akana, hor. ko do nit ho~ hijuk'tege menak'koa. Or.ak' perec' hor. bako sahabok' kana. Binod ar Binoe do hana pind.a. noa pind.a. elect.a.ri marsalte d.ig d.ig n'el n'amok' reho~ ona korec' kona ar koca sec'te kin sendra a.cur keda. Menkhan Bahawak' ja~ha~n tiwan ge ba.kin n'am dar.eada.

Ina. mit' gha.r.i tayom khangge Baha do ac' gogo sa~ote bapla or.ak' teye boloyena. Binod do n'el kateye a.r.is n'ok'engea. Ente nit ho~ Baha do ka.t.ic' gidra. leka ac' gogowak' ti sap' kateye a.cur bar.ae kana! Sunum sasan' ojok' okte re Binod do Binoe ba.huwak' gor.ote eken mit' gha.r.i bahre sec' od.ok kate kha.li boge juda. glamaraao chad.a cet'ge ban' hoelenta.kina. Ente mit' gha.r.i tayom khangge Baha ac' gogo do khok' kharak' ate bahre sec'e od.okente Baha arho~ bhitriteye

ader kedea. Binod doe bujha.u keda nonka te nui tuluc' nond.e do ja~ha~n gal marao ban' hoyok'a. Uni do Binoe ba.huye sap' kedea jatec' ja~ha~ lekatege Baha gapa d.uli bibik'e idiye.

Dosar hilok' jog ma.n'jhi do maran' sim rak' khon got.a kulhi ba.ria.t daka jojome hoho pura.u keda. Bad ga.d.i ho~ laha hiok' rege hec' tahe~kana. Binod do laharege bas re sen kate d.abol sit. eset' kateye dur.up' akana ba.iba.ite bas do ba.ria.t kote perejok' ehop'ena. Menkhan Binoe ta.kin ar Bahawak' ja~ha~n cet'ge ban' bujha.uk' kana. Joto ko hec' cabak' kan reho~ onkoak' hijuk' reak' ja~ha~n katha ge ba.nuk'a. Tobe cet'! Baha bae calak'a? Aema lekan hudis cinta. te Binod doe thar basao cabayena. Un ha.bic' ho~ ona jor.a sit. re okoe ge bae dur.up' oco akat'koa. Ekkalte muca.t' okte re Binoe ta.kin ar Baha do a.d.i hare phare bas reko dec'ena. Ja~ha~ lekate Binoe barea gidra. beret' oco kate ond.e Baha ta.kine dur.up'ket' kina.. Ar Binoe do Binod t.hen sen kateye dur.up'ena. Binodak' a.d.i as tahe~kanataea Baha ac' sa~ote dur.up' kate mit'te galmarao galmarao tekin calak'a. Menkhan Binoe lur.u Baha bad kate ac' geye dur.up'ena. Mit' sec'te do t.hik geye bujha.u keda Binod, ente aema murubbi ko do bas reko tahe~kana.

11 baja okte sec' ba.ria.t ko do kur.i or.ak' ko set.erenena. Daram ar ca n'u bar.a katege a.d.i usa.ra bapla la.git' ko sapr.aena. Bapla tayom bapla bhoj jom bar.a kate ba.hu ja~wa~e ta.kin do gid.i cima.ur.a la.git' ko dur.up'ket' kina.. Note kur.i kor.a ko ho~ muca.t're a.d.i a~t. ra.ska. reko cape akana. Ona oktege Binod do Baha ar Binoe ba.hu bahre sec'e hohoat' kinte ato reak' kulhi muca.t' sec' jha.r.pa. jojo but.a. t.hen ko calaoena. Binod ar Baha mit' t.hen pantete dur.up' ot.o kate Binoe ba.hu do thor.a pharak' n'ok' reye dur.up'ena. Note Binod ta.kin dur.up' gekin dur.up' thir akana, menkhan okoe t.ak'ge katha ba.kin ehop' dar.eak'' kana. Baha doye hudiseda Binod ge ja.nic' kathaye ror. lahaea note Binod ho~ye hudiseda Bahawak' aema katha menak'tae reho~ cekate cet'ge nit ho~ bae ror.eda! Nukin bana hor.ak' mocage khora din ga.d.ia. rohor.ok' leka sanam ulidak' ko rohor. caba akan ta.kina. Muca.t' re Binod ge kathae ehop' ket'te a.d.i okoc' gekin galmarao keda. Baha Binode badae oco kedea je, per.a a.d.i a~t. ko od.okok' kana. Ac' gogo baba ta.kin

ho~kin ra.jigea. Menkhan Baha do Binod chad.a et.ak' re bae baplak'a menteye bad.ae oco kedeaa. Binod do ja~ha~ lekate thor.a din ta.n'gi hatar.e metadea. Ja~ha~ lekate mit't.en ca.kri n'am lekhan gekin baplak'a mentekin got.a keda.

Thor.a din tayom ge akoak' church reak' mit't.en project re hor. hatao la.git' ko dha.rwa.k' keda. Baha do a.d.i usa.ra Binode bad.ae ocokedeaa. Ente Binod do aema din khon bahre reye tahe~nte Mission ko reak' ja~ha~n khoj khobor do bae bad.ae dar.eak' kan se bae dohoyet' kan tahe~kana. Binod do ona post.re jojaok' la.git' joto lekanak' ge tahe~kantaee. Ar ona ia.te uni do a.d.i usa.ra ardase joma keda. Ato or.ak' koren aema hor. ko Mission ren mit' bar lid.ar ko ho~ Binoe ge ka.mie n'ama menteko ror. bar.aet' tahe~kana, Int.ar bhiu kard. n'amkate a.d.i aema mot.a mot.a gayid. puthi ko par.haok'e dhura.uenaa. Int.ar bhiu oka leka hoyok' reak'e hudiset' tahe~kan t.hik onka leka pura. do ban' hoe lente Binod do aema ror. rua.r. ge bae em dar.eda. Ente uni do Mission reak' ar dhorom se baibel ar girja. reak' aema aema bisoe ko thor.a gan ho~ bae bad.ae kan tahe~kana. Baha noa ko bad.ae kate a.d.i a~t.e mon dukena. Enho~ Binod do arho~ ta.n'gi la.git'e neho~r adea.

Thor.a din tayom khange Binodak' mast.ar d.igri reak' resalt. od.okentaeaa. Unkin do bana hor. gekin hudiskeda nia. dhao do ja~ha~ lekatege mit't.en ca.krie n'amet' kangea.

01 ton'geyena;

Ho_po_n Ba_buwak' Iskuḷ Reak' Pa_hiḷ Din

Paitapukur atore_n mit't.e_n ka.t.ic' gidra. kanae ho_po_n ba.bu. Ho_po_n ba.bu do_dina.me n'e_lkoa ako atore_n gidra.ko do_dina.m

iskul teko calak'a. Onko n'e_lte_ac' ho~ iskul calak' sanakedea. Uni do_ac' go_go_-babata_kine metat'kina, in' ho~ iskulten' calak'a. Uniak' sana lekage ho_po_n ba_bu iskulreko bhurti kadea.

Pa_hil pa_hil ac' go_go_ iskulte_ye_ a.gu ot.o kadea. Iskul a.gukate_jo_to_ a.na.r.i ho_r. n'e_lte ac' go_go_wak' an'car sap'kate bhe~-bhe~ rarak'e eho_p'ena ar.ak'ge bae ar.ago_k'kana. Ho_po_n ba_bure_n nawa didimuni sorre_ he_c'kate_t'e metadea, ho_po_n ba_bu hijuk'me_ amak' kelasten' idimea, o_nd.e_ aema gatekom n'amkoa. Didimiak' dula_r. salak' kathate ho_po_n ba_bu go_go_ak' an'car ar.ak'kate_ kelaste_ye_ calaoena.

Didimuni do_ uni kelasre_ye_ dur.up'kede a are metadea-"n'e_lkom am lekan tina.k' gidra. nia. kelasre_ko par.haok'kana. Onko jo_to_ge amre_n gate kanako. Jo_to_ am sa~ote_ chor.ako me_na, seren'ako, e_ne_c'ako tina.k' ra.ska. hoyok'a". Pa_hil hila.k' didimuni do_ D.in' D.o_n' cho_r.ae cet'at'koa. Uni sa~ote jo_to_ ho_r. D.in' D.o_n' cho_r.ako me_nkeda. Me_nkhan ho_po_n ba_bu do_ lajaote_ ar bo_to_rte cho_r.a bae la.i dar.eada, arho~ bhe~ bhe~ rarak'e dhura.uen a. Rak' an'jo_mte et.ak' gidra.ko do_ cho_r.a la.i thirkate_ cahap'kate_ unigeko ko_yo_k'kede a. Alo_m raga am ho~ ba.i ba.ite_m ceda, are_m me_na. Didimuni do_ ho_po_n ba_bu sorre_ ba.i ba.ite_ la.ikate_ jo_to_koe cet'at'koa. Nonkate_ din dintege uni ho~ cho_r.ae cet'kede ar la.i ho~e la.i dar.ekeda. Nito_k' uni do_ gateko sa~ote dina.m iskulte_ye_ calak'a ar cho_r.a, seren', e_ne_c'te_ a.d.i a~t.e ra.ska.k'a. Ho_po_n ba_bu t.he_n iskul do_ nito_k' a.d.i ra.ska.wanak' jaega kana.

Tuma_l: *An'jo_m jo_n' ja.r.*

SANTAL JUA_N

E jua_n ma beret'me

Alom ja.pida ebenok'me,
Ca.ria. kond. ma ben'gedme
Nitge ka.mire lagaok'me.
Sa~ota reak' mare rogko
Rophae la.git' ja.rur. okako,
Ma lahak'me muruk kate
Sona sa~ota dula.r. monte.
Amak' gor.o nitge ja.rur.a
Ma hijuk'me a.d.i usa.ra,
Sa~ota sagar. lagae la.git'
Et.ak' ko sa~o son'gek' la.git'.
Olok' par.haok' cet' kate
Sa~ota susa.r monate,
Ma lahak'me, gogme da.yik
Darae sa~otaren asol ma.lik.
Ma n'elkom gand.ra hund.a.r
Got.a sa~otare a.d.i uta.r,
Onko geco santal somaj
Benao edako bajar anaj.
Sona sa~ota susa.r la.git'
Nit ja.rur.a sanamko mit',
Jomok kate gok' gopor.o,

Da.yik hatao hor.o hor.o.

Dar.e menak're jhu~k monok'me

Darae kanko horakome,

Sona sa~ota dula.r. re tehen'

Tahe~n takoma monre seren'.

Gand.ra koak' laser d.at.a

Ra.put' takote ti kat.a,

Taral basal sona sa~ota

Jor.aο rua.r.me alom neho~ta.

Taogar monte ma lahak'me

A.nd.un' d.hili sili gid.i kak'me,

Sa~ota la.r.ha.ire hapen jitan

Amge hoyok'me santal jua.n.

Abraham Kananteye Calak' Kana

Terah do Sem bo~srenko modren mit' hor.e tahe~kana. Uniren do pea hoponko tahe~kantaeta, Abraham, Nahor a Haran. Ado Isor Abrahame metadea, am do amak' disom khon ar amren per.a pa.rbha. khon od.ok calak'me in'in' uduk'am disomte. Maran' okoc' mit't.an' ja.t in' hoe ocomea, ar amre do pirthimiren sanam gust.iko bhoranko hoyok'a. Khange Abraham do ac'ren ba.hu Sara ar ac'ren gon'got kor.a Lot idi tora kate ac'ak' joto acelante kanan disomteye calaoena. Ar Probhu do Abraham t.hene sodorenteye metadea, Amren bo~sko noa disom in' emakoa. Ar Abraham do ac' t.hene sodorlen Probhu n'utumte mit't.an' pind.e benaoket'a.

Abraham do mi~hu~ merom ar sona rupa.te a.d.iye kisa.~r.ena. Ar uni sa~ote Lot ho~ a.d.i mi~hu~ meromko tahe~kantaeta. Khange Abrahamren gupiko ar Lotren gupiko ka.pha.ria.u janamentakoa a.k'tin' jaega kha.tirte. Khange Abraham Lote metadea, E ba.bu, alan' talare ar alan'ren gupiko talare ka.pha.ria.u alo bar.e hoyok'ma ente alan' do boeha hor.. Am saman're got.a disom con' menak'. Am kon'e sec'em calak' khan in' do etom sec'in' calak'a, ar am etom sec'em calak' khan, in' do kon'e sec'in' calak'a.

Khange Lote n'elket'a, Jordan gad.a ar.e do a.d.i olhangea, Misor disom ar Eden bagwan leka; onate uni do ona t.ot.ha bachaonte, Sodom sec're ac'ak' ta.mbukoe beret'ket'a. Menkhan Sodomren hor. do a.d.iko ba.r.ic'a, ar Probhu reak' a.d.iko ka.iet' tahe~kana. (Gen.12-13.)

Pa . sur .

Kelas ehop' mit' ghar.i tayom khan t.ayit. jins pent. reak' gubli bhitri re mobayil do ba.t kat.kom leka 15 dhom gan rugum rugumena. Pa.hil sec' 5 dhom gan do mis kol tahe~kana, ar ina. tayom do bujha.uk' kana kol ge tahe~kana. Bulu jalat' re nuna.k' gha.r.ic' mobayil reak' bhaibareson te bokr.o gey a.ika.uet' kan tahe~ reho~ binod ba.bu kelas reak' pa.hil ben'ce reye dur.up' akan tahe~nte pent. gubli khon mobayil od.ok bae dar.eada.

Mahasoe ak' lekcar muca.t' sa~ote Binod do tia.r la.t.ic' n'ok' ate gubli bhitri khon mobayil od.ok ket' teye lin keda. Are n'el keda ato or.ak' ren binoe kanae. Binod ren gate kor.a. A.d.i gan kol ge bae kol bar.aea. Acka tehen' noa tikin tarasin' cet' ja.rur. te una.k' doe kol keda. Bujha.uk' kana Binoe tehen' bhage n'ok' tege ja.nic'e bul akana. Ona ia.tege uni do bha.t.i khonge ja.nic'e kol akada. Kol rua.r la.git' Binod do Binoe ak' mobayil re kole bhorao keda. Kol bhorao sa~ote mobayil do Binod lutur bhuga.k' reye la.i adea je, ka.ud.i do caba akana. Ka.ud.i bhorao ja.rur.a. A.d.i a.r.is ar asket selet' bharsit.i reak' get. khon barhe sec' od.ok ente mobayil re t.akae bhorao keda. Menkhan noa maran' t.aon reak' pa~po~ ar hid.a.r hod.or mot.or ga.d.i reak' sad.e te nia. okte Binoe tuluc' roror. ar ban' sana ledea. Mes re sen kate nira.la te gal marao reak'e got.a keda.

Man'jan daka jom tayom Binod do logot' at.et're pharnaok' tuluc' Binoe ak' mobayil re kole bhorao keda. Hante Binoe ho~ Binod ak' kol n'am sa~o sa~ote usa.rate risib tora uni do lutur khaka ruha.t'e dhura.uen a. Uniak' ruha.t' te Binod do cet' ho~ bae bujha.u dar.e ak'te Binoeye kuli kede a.

- Binoe a.d.i a~t.em ran'gaok' kan je, Binoe do ror. rua.r. ban' emkate arho~ Binode kuli kede a.
- Enanok' kolin' bhoraolet' sasap' dom cekalena lur.u?
- Binoe tin okte amem kol leda ona okte in' do kelas ren' tahe~kana. Ona ia.te ba.n' risib dar.eada.
- O.....An'jom me Binod, Baha alin' t.hene hec'elana. Uni ge kathaye ror. kea. A.d.i gha.r.ic' amak' kol asre tahe~kate

mayak' moyok' or.ak' teye rua.r. calaoena.

- An'jom me Binoe, am do tahole bha.t.i bela uni tuluc' ror. ocoyin'me. Mis kolem em lekhang'e hoyok'a, T.hikgea matoben' dohoyeda.
- Acha t.hikgea ma tobe.

Baha ak' katha an'jomket' tayom khang'e Binod do khan'ca bhitri ren ce~r.e~ leka an chane a.ika.uet' kana. Uniak' ontor re jala puri reak' d.heo ge ja.nic' ehop' akana Baha tis ho~ bae kol bar.aea. Apat'tet' ma bir ren kul ta.rup' leka ran'gaoic' kanae. Ona ia.te uni do nit ha.bic' Baha kolej reye par.haok'kan reho~ mit't.en mobayil ho~ bae kirin' akawadea. Bahawak' aema lekan katha ko cinta. cinta.tege goc' gon'gha lekae ja.pit'keda.

Tin reco bela ma a.d.itet'e phed. cabayen Binod disa.ge bae disa.leda. Ackae! Disa. ket'te at.et' cetanre beret' kateye dur.up'ena. Mobayile lin ket'teye n'elkeda 2 dhao mis kol rakap' akana Binoe ak' mobayil khon, tobe a.d.i gha.r.ic' do ban' hoe akana. Binod do a.d.i usa.ra kol bek rua.r.ket'te mobayil do lutur reye jalat' keda. Hante mobayil risib akan reho~ ja~ha~n kathage ba.nuk'a. Emne tege a.d.i gan bae ror. bar.aea. Hello! Hello! te Binod doe lan'ga cabayena. Menkhan hana ar.e khon ja~ha~n ar.an'ge ba.nuk'a. Hante Baha ho~ risib mae risib akat'ge menkhan ona sa~ote ulidak' koho~ sanam rohor. cabayentaea. A.d.i anec' thartharaok' kan ar.an'tege roror.e ehop'ena.

- Baha ka.na.n', cet' leka menama?
- Bes gea.n', am cet' leka menama?
- In' do a.d.i bes do ba.nun'a, Darakan Lukkhibar Robiak' bapla, enhilok' ja~ha~n lekatege hijuk'me, am tuluc' a.d.i aema katha menak'tin'a
- Cet' una.k' ja.rur. katha do? Nitok' thor.a gan la.ia.n' mese.
- Ban' ba.n' la.ia, ar ban'khan bam hijuk'a ha~k'?
- Bam hec'len khan in' don' gujuk'a.

Bahawak' noa katha ror. ror. tege rak'ge laha ehop'ente Baha do ar bae ror. dar.eada. Binod do ac'ak' ontor me~t' te Bahaye n'el kedea. Juri me~t' khon hid.ir hid.ir me~t' dak' joha sec'te a.tu phed.ae kana.

Bahawak' cet' reak' una.k' duk? Ja~ha~e ja~ha~nak' ko men akawadea se cet'! Binod do Robiak' bapla re calak' reak' got,a menak'taegea. Tobe acka Bahawak' katha ko an'jom kate a.d.i mon'j do bae at,karet' kana. Binod Baha tuluc' onkan ja~ha~nak' ba.r.ic' colon ge bae colon akada one onate ja~ha~ge ja~ha~nak' ko men dar,eke. Tobe cet' reak' duk tae? Baha do Binod tina.k'e dula.r.ia ona do Binod bae bad,aea. Tobe ac' do pura, teye bad,aea Baha do ac'ak' jionre poraeni Bahage. Serma ren jolok' kan ipil leakage d.ig d.ig jol akan menaea Binodak' ontorre. Tobe tehen' Bahawak' rak' tegeye bujha,u keda Baha ho~ onka ge Binod la.git' kha.ndri dula.r, menak'taea.

01 ton'gek'a-

Bele Reak' Katha

Pa.hil katha: Bele do a.d.i oprom katha kana, oka do algate n'amok'a ar noa do protin jomak' kana. Bele aboak' hor.mo la.git' a.d.i ja.rur, jomak' kana.

Janam: Bele reak' janam do tis, noa katha rean' aema kukli menak'a? Dha.rtire aema jiwianko ge ko beleya. Katha do hoyok' kana noa, adom doko beleya khan'care dur.up' kate ar adom ko do begor bele reho~ n'utum hoyok' takoa; metak'me bad,aea bon sadom bele reak' katha.

Bele sa~ote oprom: Bele reak' n'elok' akar do ban' gud.ma.la, ban' jilin'a, ban' capt.haoa. Bele reak' barhe sec' re do cokak' menak'a, bhitrire do budki. Bele reak' budki sasan'gea, komla ho hoe dar,eak'a, cokak' do pond.gea, adom do toroc' ron' ar arak' ho~ bele reak' ron' ho~ hoyok'a. Menkhan cetan ren' menakat' sadom bele re do ja~ha~n cokak' ho~ ba.nuk'a ar budki ho~ ban'.

Bele reak' ka.mi: Bele do aboak' hor.mo reak' prot.in puruna. Ar ona ia.te aema lekan jomak' bele khon tearok' kana; nanan sad reak' nanan ron' ar d.hon' rean' jomak'. Bele reak' do nawa nawa jomak' metak'me biskut., kek, bele reak' paurut.i ar nonkan aema lekan fastfood reak' jomak' ko benaoa. Ar noa ko do aema lekan mon'j jomak' hisa.bte abo bo joma; ar nia.te aboak' hor.mo reak' prot.in obhabe puruna.

Bele reak' ba.r.ic' dik: Bele reak' do cet' ho~ ba.r.ic'tet' ba.nuk'a; tobe ja~ha~eak' bele cetanre elarji menak' khan do juda. katha. Tobe nit dha.bic' noa bele reak' ba.r.ic'tet' do onka ban' n'amakana.

Noa reak' mon'j dik: Bele reak' mon'j dik do ban' la.i cabak'a. Aema hor. do up're beleko ojoga ar ho~ me~t'a~ha~ reho~ ko ojoga akoak' cetan harta mon'j hoyok' la.git'. Hor.mo lolo la.git' bele ar dar.ei la.git' ho~ bele. Ja~ha~e per.a ackageko hec'len khan onko per.a ko la.git' ho~ bele utu lekan ackate n'amok' kan jinis do ar ba.nuk'an. Onate bele lekan upka.r jinis do ar ba.nuk'an.

Ban'gladisomre bele reak' jogar.: Kumilla, Khulna, Borisal, Jessore re bele do a.d.i ja.sti n'amok'a ar onako khonge Ban'gladisom re bele reak' jogar. do joto khon d.hera. Disom reak' una.k' maran' maran' nan'grahako menak're ho~ onako re d.her bele bako upca.ua; eken nia.ko chad.a. Ban'gladisom reak' chapa sodorok' kana nanan kagoj khon tuma.lakan khon bad.aeok' kana je nia. disomre 8 kot.i bele okula.n menak'a disomren manwa ak' jom ca.hida lekate.

Muca.t' katha: Got.a dha.rti rege bele reak' maran' ca.hida menak'a, ente bele do aboak' hor.more prot.in reak' ca.hidae puruna ar noate abo hor.mo re dar.e bo n'ama. Nia. bele do thor.a damte ar a.d.i usa.rage got.a n'am hodok'a. Bele do joto hor.ge ko jom dar.eak'a ar ona jom redo ja~ha~e ak' onkan beroj do ba.nuk'a se ja~ha~eak' onkan muskilak' do hor.mo re ban' hoyok'a.

Abo disomren d.her hor.geko ren'gec' gea; ar onate onko do hako jel jaoge do kirin' kate bako jom dar.eak'a. Menkhan onko do bele usa.ra kirin' kate kom paisate ko jom dar.eak' kana.

Onate bele reak' ja.rur. do abo disom re joto khon d.heragea. Muca.t' re bo mendar.ekea je jel ban' reho~ abo bele bo jom dar.eak'a ar ona

la.git' or.ak' kore d.herge sim ko a.sul ja.rur.abona.

Mother Teresa

Hor.more lil par. pond. kic'ric'. Nui Manotia. Maejiu ak' tire mit't.en kic'ric'te benao beg, Bostiren ren'gec'-nacar ka.t.ic' gidra.ko uni n'el teko n'ir hijuk'a. Uni Manotia. Maejiu do onkoe hobor rakap'koa, dula.r. koae. Kic'ric' reak' beg khon biskut. ond.on' katei emakoa. Uniak' n'utum do kha.t.ige bon bad.aea cet' kana mente. Uni doe hoyok' kana Mother Teresa. Mother Teresa ak' janam do hoelena 1910 serma reak' 26 August Mecedonia n'utuman disom reak' rajdha.ni Sckopje n'utum nan'grahare. Uniren apat' n'utum do Nikoa ar ayo n'utum do Drana Bojaxhiu. Onkoak' pa.hil janam disom do Albenea. Janam tayom uniak' n'utum do Gonja Agnes. Albenea pa.rsite Gonja reak' torjoma lekhan do "Baha se Bhut.a.k' baha". Gogo baba ren mo~r.e~ (5) got.en gidra. modre nui doe tahe~kana sanam khon ka.t.ic'.

Onkoak' gharon'j do besge calak'kan tahe~kana. Uni ac' baba doe tahe~kana Bebosa se ba.nij beparic'. Or.ak' sorrege mit't.en dokan tahe~kantaea. Gonja ak' umer 12 serma okte re ac' baba doe goc'lena. Ina. tayom onkoak' gharon'j do a.d.i kost.ote paromok' kan tahe~kana. Gidra. hara rakap' ko reak' da.yik do ac' gogo, uni do suite kic'ric' cetanre baha (naksa) benao kate ona a.khrin' kate gharon'je calaoet'kan tahe~kana. Ka.t.ic' umer khonge Gonja do ren'gec'-nacar ko cetan re jahanak' cekae reak' kurumut.u se sana tahe~kantaea. Uni do Loret.o sister sangharei jopor.ae ena. Sikhna.t hamet. okterege uniak' nawa n'utum do sister Teresa hoyen taea. Un khonge uniak' da.yik ar ka.mi n'elte noa n'utumko dohoket'taea. Manwa jotonko reak' monsuba. se motlob ia.te uni do 1929 serma reak' 6 ta.rik Kolkatai hec'lena. Sister Teresa do pa.hik da.yike n'amkeda sent Merise Bangla te par.hao kan iskul re Geography se Bhugol ar dhorom bisoire par.haoko la.git'.

Uni do a.d.i mon'je par.haoet'ko tahe~kana. Kur.i gidra.ko aema enec'e

cet' ako kan tahe~kana. Enec' somoe gidra.ko modre ka.t.ic' jhogr.a hoelen khan uni doe galmarao sapha kata ko tahe~kana.1944 serma re uni do ona iskul re Principal ko doho kede. 1948 sermare Mother Teresa do loret.o sa~otae ba.giada. Uniak' kusi sana do tahe~kanta. bostiren ren'gec' hor.ko nia. ka.mi reak'. Onate uni do na.rse training se~r.a~keda. Ina. serma reak' 21 December cando uni do Kolkate reak' bostikoe hirikeda. N'elket' koae ren'gec' hor.ko tina.k' duk-kost.o jion ko khemaoeda. 1949 serma reak' January cando reak' pa.hil haptare Teresa do apnar kusite ka.mi ga~ota (Secchasebi Son'got.hon/ volunteer organization) reak' gor.ote Kolkata reak' Motijhilre mit't.en Dispensary ar mit't.en iskule ehop'keda.

Uniak' pa.hil class room se par.hao or.ak' do tahe~kana mit't.en dare but.are ar blackboard hisa.btei beohar jan'ga latar reak' hasa. Ona bostiren gidra.ko do ona iskulte calak' reak' a.t n'amkate a.d.i ko kusiena. Mother Teresa arho~ gidra. n'an'ame ehop'ena. Uniak' ka.mi n'elte uniren ge thor.a par.haok' kan gidra. uni sa~o ka.mikin ehop'ena. 1950 serma Kolkata ren Arch Bishop Mother Teresa hotete Missionary of charity e ghosona keda. Noa do Mother Teresawak' nawa sister sa~ota. 50 serma sec'te Kolkata nan'graha reak' hor kore (foot path) hajar hajar hor.ko bosotok' kan tahe~kana. Ar onko mod khon din hilok' aema hor. doko gujuk' kan tahe~kana. Okte okte sister ko do hor ar.e kore bosti kore nonkan rua.k' kan hor.ko n'elet'ko tahe~kana. Onkoak' hor.mo do ghao akana. Okoe koak' hor.mo do ghaote so kana, nonkan hor. kodo begor joton teko goc' kok'a. Nonkan somoe Mother Teresa do mit't.en or.ak'e sendra kana one okare joton dar.e keko jatec' onko do thor.a joton n'amkate corporation do Kali Mandir ar.ere mit't.en ashrai kendro (Selter Center) Mother Teresa ak' ka.mi la.git' danadea.

1952 serma reak' 22 August Mother Teresa Ka.lighat. n'utuman jaegare rog-ajar.re par.aok'kan hor.ko la.git' pa.hil or.ak'e benao keda. Sapha mon (Nirmol Hridoy) ond.enik' mit't.en rogie menleda, in' do hor kore mit't.en janwar lekan' jionin' khemao leda. Menkhan nitok' do gujuk'in' dur.up' akana mit' hor. serma god.et' leka dula.r. ar joton n'amkate. Mother Teresa ar ac'ren sister ko do bosti n'el calao kate non'kan aema gidra.ko n'amet'ko tahe~kana okoe do jom begorte pust.i

reak' okula.n reko par.ao akana. Cedak' je onkoren go-baba do a.d.itet' a.d.i ren'gec' ko tahe~kana. Onkoak' ban' kula.k' kan tahe~kana mit' san'j jom.

Teresawak' ka.mi n'elte Roman Katholi church ren kur.i ko ho~ gogo dula.r. lekan re hijuk' akoak' monsuba. ko sodor keda. 1959 salre Mother Teresa do Ranchi calao kate sister ko son'ge kate mit't.en ashrome jhic' keda. Ona tayom Delhi, Mumbai ar jhansisre ashrome benao rakap'keda. Ena. tayom got.a bharot (India) disomre ashrom benao rakap' ko ehop'keda. Uniak' ona bhage ka.mi n'elte bahre disom khon ho~ ashrom benao la.git' hohoe n'amleda. Hoho n'amkate 1965 serma re pa.hil bhagre disom Venejuela re ac'ak' ashrome benaokeda. Ona disom reho~ ren'gec' hor.ko lia. ka.mie ehop'keda. La.r.ha.ite dhan'ladhas akan Ban'gladisom reho~ ka.mi la.git' uniak' manwawak' jan'gae doho keda. Sister ko son'ge kate uni do 1972 sermare (puran Dhaka) Dhaka reak' Islampur rege hec'ena. Noa disom ren aema ren'gec' t.ua.r gidra. koak' da.yike hatao keda. Nitok' do got.a Ban'gladisomre Mother Teresa sister sa~ota reak' 11 got.en ashrom menak'a. Onko dp t.ua.r, renegec' protibondhi gidra.ko joton ar olok' par.hao sec' se~r.a~ko la.git'ko ka.mieda.

Mother Teresa ak' ka.mi do dha.rti reak' aema disomre pasnaoena. Uni do ja.ti dhorom, joto lekan hor. t.hen mit' oporoman maejiu kanae. 1979 sermare Mother Teresa do Nobel siropae n'amkeda. Unrege uni do got.a dha.rtire 7 sae reak' khon ho~ ba.r.ti siropae n'amleda. 1997 serma reak' 5 September cando Kolkatare Probhu tiregeye jira.uenae. India sorkar do disom reak' dhara lekatei topa kedeae.

D.an'gra Sagar.

Adar.re. Jat.a n'utuman a.d.i kisa.~r. ho_r.e_ tahe~_kana. Unire_n barea darmo_t. darmo_t. d.an'gra ar d.an'gra sagar. tahe~_kantaee. Mit'din uni do_ ha.t.ia.te_ hor.o idi la.git' sagar. re_ hor.o bostae

lade pe_re_c'keda. Me_nkhan d_ahar a.d.i lo_so_t' tahe~_kante_
do_lhare_ tha_li t.arhaoentaea. Unkin darmo_t. d.an'gra do_ a.d.i
murukte_ sagar. o_r rahap'kin kurumut_u keda me_nkhan ba_kin
dar_elena.

Ona d_ahar tege ped_el ga.d.ite_ hat_o_k' ho_r.ko calak'kan tahe~_na
ar tha_liakan sagar. n'e_l teko ten'goena. Ar jo_to_ ho_r.te_ he~iyo_
he~iyo_ kate_ko t.helao rakap'keda.Ona tayo_m jo_to_ko ge ha.t.ia.te_
ko mohnd_ayena

Don' Seren'

Bila_n bila_n talare, tala bila_n talare

Kad_a pan'jare lipi ce~r.e~,

Hoe lolo din do dare rekin tahe~na

Jarge ja.put' din do dak' talare.

BA_D_A_IAN HAKO

Mit't_en pukhrire_ aema hako ko tahe~_kana. Onko do_ a.d.i
ba.d.a.iankoko tahe~_kana ar o_ko_eak' kathage bako an'jo_me_t'kan
tahe~_kana. Ona pukhrirege mit't.e_n a.d.i maran' har.am tayan'e
tahe~_kana. Uni do_ a.d.i bhage ar dayawane tahe~_kana. Jaoge hakokoe
metaoako kan tahe~_kana alope ba.d.aia mu~hinrepe par.aok'a. Uni do_
d.e_ho_r.e_ disa_koa.

Mit'din tayan' do pukhri ar_ere_ dhiri danan're_ye_ jira_uakan

tahe~_kana. Ona okte_ barea ja_lia_ pukhrire_ dak' n'u~kin he_c'e_na.
Dak' n'u~ jo_khe_c' a.d.i a~t_ hako lar_ao n'e_lte_ mit' ho_r_ do_e
me_nkeda ma n'e_lkom hako ce_t' le_kako had_bad_aoeda. Gapage la_t.u
ar ke_t.e_c' jha_li a.gu katelan' jha_likoa.

Tayan' do_ ona kathae an'jo_m keda ar rua_r_ se_nkate_ hakokoe
la_iat'koa. Hakoko do_ uniak' katha bako luturat'taea me_nkhan unigeko
sir_a.gadea. Dosar hila_k' unkin ja_lia_ do_ a.d.i ke_t.e_c' ar la_t.u
jha_likin a.gukeda ar jo_to_ hakokin jha_like_t'koa. Hakoko do_
ban'caok' la_git' a.d.iko kurumut_u keda me_nkhan bako ban'cao
dar_eada. Ado_ mo_ne_te_ko me_nkeda tayan'ak' kathakobon an'jo_m
le_khan ban'cao dar_e kok'abon.